



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 08-49-2-2116/16

Datum: 3.11.2016 godine

Na osnovu člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik objavljuje

**JAVNI POZIV
za najbolju društveno korisnu ideju**

Svrha Nagrade

Općina Tešanj raspisuje javni poziv i utvrđuje uslove Nagrade za najbolju društveno korisnu ideju (u daljem tekstu: Nagrada) u svrhu poticaja i stvaranja pozitivnih promjena, te priznavanja aktivnog učešća mladih u društvenim procesima na području općine Tešanj.

Ko može predlagati

Ideje mogu predlagati osobe od 18 do 35 godina starosti koje žive na području općine Tešanj.

Šta se nagrađuje

Nagrada se dodjeljuje pojedincima koji svojim prijedlozima i djelovanjem doprinose ostvarivanju pozitivnih društvenih promjena u zajednici na polju tema:

- uključivanje mladih,
- humanitarni rad,
- razvoj demokratije,
- zaštita okoliša,
- jednake mogućnosti,
- lokalni razvoj,
- zdravlje,
- obrazovanje,
- međugeneracijska solidarnost,
- informisanje,
- nezaposlenost i dr.

Kriteriji i način odabira najbolje ideje

Ideje čija vrijednost realizacije ne prelazi iznos od 10.000 KM i koje su namijenjene za jednostavniju realizaciju ocjenjivat će se sljedećim kriterijima:

- inovativnost,
- stepen razrađenosti,
- izvodljivost,
- korisnost za lokalnu zajednicu.

Kriteriji se boduju od 0 do 10 bodova, a nagrađivat će se ideje koje ostvare minimalno 25 bodova (pozitivno ocijenjene), s tim da ideja mora ostvariti po svakom kriteriju minimalno 4 boda.

Ideje čija je vrijednost realizacije veća od 10.000 KM bodovat će se u skladu sa navedenim kriterijima, ali će se dodatno razrađivati i tražiti mogućnosti za njihovu realizaciju, od čega će zavisiti i nagrađivanje takvih ideja.

Neće se vrednovati ideje koje su već definisane u općinskim strateškim i drugim dokumentima, kao i ideje koje se odnose na poduzetništvo.

Kako predložiti ideju

Sve ideje se moraju obrazložiti u pisanom obliku putem obrasca koji se može preuzeti na internet stranici <http://www.opcina-tesanj.ba/ba/uprava/mladi.html>.

Ideje se dostavljaju u zatvorenoj kovrti pod šifrom, a unutar kovrte potrebno je dostaviti još jednu kovrtu sa ličnim podacima.

Jedan aplikant može predložiti maksimalno tri ideje.

Način procjene i odabir najkvalitetnijih prijava

O dobitniku Nagrade odlučivat će komisija za dodjelu Nagrade koja ima 5 članova.

Komisija će odabrati dobitnika na temelju kriterija objavljenih u Javnom pozivu.

Komisija zadržava pravo da traži dodatna pojašnjenja i dopune ili da odbaci nepotpune i nejasne ideje, kao i da ne izvrši izbor najboljih ideja ukoliko ne budu ocijenjene kao korisne.

Nagrada i realizacija ideje

Za ideje koje budu pozitivno ocijenjene Nagrada se sastoji od priznanja i novčanog iznosa u zavisnosti od broja ostvarenih bodova. Autor čija ideja bude novčano nagrađena istu ustupa bez ograničenja na korištenje i raspolaganje Općini Tešanj. Autor ideje je obavezan da inicira i aktivno učestvuje u realizaciji ideje.

Javni poziv i prijave

Ideje se mogu dostaviti najkasnije 9.12.2016. godine.

Prijave slati preporučeno na adresu: Općina Tešanj, Trga Alije Izetbegovića 11, 74260 Tešanj ili lično predati u Šalter sali Općine ili matičnim uredima Jelah i Tešanjka u zatvorenim kovrtama.

Nepotpune, neuredne i neblagovremene prijave se neće razmatrati.

Kontakt osoba



Mirnes Dedukić, službenik za mlade

telefon: 032/650-022

mail: mirnes.dedukic@opcina-tesanj.ba

Dostavljeno:

1. Mediji
2. Web stranica Općine
3. Arhiva

**OPĆINSKI NAČELNIK**

mr. sci. Suad Huskić, profesor